



Ourour fan iten Nenien me Chon Fori Angangen Opposun COVID-19

Pwoputa Pochokunan: May 19, 2021

Pochokunen Nemenem: ORS 431A.010, ORS 431A.015, ORS 433.441, ORS 433.443.

Pwonuetan: Ei ourour fan iten ion aramas mei fori angangen opposun eppet me non ekkewe nenien opposun eppet ika nenien chon angang, ian mei angei mwumwutan ika kopwungunon meren FDA pwe epwe fori angangen katoun opposun COVID-19, pachenong ekkewe pharmacy, clinic nenien safei, ika pwan ekkoch neni esapw pwan ren pekin health.

Awewen Fooks: Ekkei awewen foos repwe wewefich ngeni masowen ei ourour:

- **“ALERTIIS”** wewen an ewe Oregon Health Authority we registry ren angangen oppos non unusen ei state, mei foruta fan nurun ewe ORS 433.094.
- **“Ewe aramas chon wisen omwoutu ewe nenien wau opposun eppetin COVID-19”** wewen emon aramas, ew neni, ika mwuun state ika local ir ra wisen ouwenam won omwokutun me angangen katoun ewe opposun eppetin COVID-19 me non ew neni mei fis ewe angang ian.
- **“Chon uwauu”** wewen:
 - Emon aramas ika neni mei sainei ewe CDC Opposun Eppetin COVID-19 Etipeew ren Prokramen Uwau (chon uwau); me pwan
 - Emon aramas a wisen fori angangen uwau ewe opposun eppetin COVID-19.
- **“Chon angang”** mei pachenong chon angang meinisin, chon nomw won contract me chon volunteer.

Angangen Omwokutun Nenien Opposun Eppet

Emon aramas a wisen omwokutu ewe nenien opposun eppetin COVID-19 epwe fori ekkei:

- Epwe awora emon epwe wisen chon okkotta kokkotun ewe neni.
- Fori pwe chon uwau oppos me ewe neni repwe fiti ngeni met an ewe Oregon Health Authority we:
 - [Ourour ren Tumwunun Angangen Opposun Eppetin COVID-19](#)
 - [Ourour ren Esapw wor Eimwumwu non Nenien Opposun Eppetin COVID-19, Ourour ren ADA me Toureochun Pworous](#)

- Pacheta sain, non neni mei weires ar repwe kuna me ina epwe fiti nampan fon noun ewe chon wisen tumwunuw kokkotun ewe neni, pwe aramas repwe sinei ion repwe kokori ika pwe me wor met ar osukosuk fan iten ewe neni me angangen aninis me kawor ngenir.
- Awora ngeni ekkewe aramas ra fen wes me angei ar aewin oppos me non ewe neni, ewe ranin me kunokun repwe niwin sefan ren ar repwe angei ar oruwen oppos, ika pwe mei ururoch ngeni.
- Awora ngeni ewe aramas a wes me angei an opposun eppet echo taropwen oppos epwe afata ewe ranin a angei an iwe opposun eppetin COVID-19, ewe neni ian e angei an iwe opposune eppet me ian, me pwan meni opposun eppet e angei.
- Fori ngeni ururun pwe esapw wor nusun oppos non ewe peen rumen opposun eppet, pwe esapw wor angangen eniwini aramas fan iten an sonapeno ekkewe oppos.
 - Ewe aramas a wisen omwokutu ewe nenien opposun eppetin COVID-19:
 - ◆ Epwe fori pwe fansoun chuto ren angangen opposun eppet mei pwungupwungoch ar amasowano inet fansoun pwe esapw wor nusun oppos, pwan anomwo non ekiek ukukun chon rese war me pwan ekkoch omwokut repwe anomwu non kokkot.
 - ◆ Awora iten chon ir mei nomw won awitiwit fiti nour nampa ren ion aramas ra tufichin repwene angei ewe opposun eppet, me ion mei tongeni repwe touroto ngeni ewe neni nupwen epwe wor esinesin ngenir.
 - ◆ Repwe fori pwe ekkewe nusun oppos mei wor non ewe rumen oppos epwe aea ngeni ion a tufichin angei ewe oppos nge ese mwo angei an opposun eppet, non urureochun an epwe fis.

***** Ika mwo kopwe fori angangen an esapw nuseno oppos, chon uwau me nenien oppos repwe awora non kokkot an emon epwe angei an oppos iei ina mwo ika epwe wor nusun oppos non ewe rumen oppos.**

Ewe aramas chon wisen omwokutu ewe nenien opposun eppetin COVID-19, me ewe chon angangen ewe nenien opposun eppet ese mwumwuta ngenir ar repwe:

- Kapas eis ngeni emon, ika fori pwe emon epwe, awora taropwen pwarata pwe ra tufichin angei ewe opposun eppet nupwen fansoun ar fori inet emon epwe chuto ne angei ewe oppos ika me non ewe neni.
 - Chon angangen ewe nenien opposun eppetin COVID-19 repwe tongeni kapas eis ngeni emon aramas ion mei etto pwe pwe angei ewe opposun eppet pwe repwe anetata ika ir mei nomw non tetenin ekkewe ra ururun pwe repwene angei ewe opposun eppet me pwan tongeni kapsa eis ngeni ewe aramas ika meni phase ika mwiich ir mei nomw non ren ar repwe sinei ika a ifan koukun an state angang ren touren ewe opposun eppet ngeni ekkewe kinikinin aramas ra tufichin angei.
- Ennukuw ewe opposun eppetin COVID-19 an epwe tou ngeni ew kinikinin mwiichen aramas ra tufichin angei me nukun chok ika ewe opposun eppet a fen tou inetin ngeni ewe chon uwau ren ekkoch pwopwun an epwe tori ewe koukun epwe tori ren ekkewe ir mei watte efeiengawen ewe semwen ngenir me ekkoch aramas mei weires an epwe

tour ngenir, ika ewe nenien atourau epposun eppet chon nemeni ewe clinic nenien oppos, ren ena sokkun iwe ewe opposun eppet mei tongeni pwe epwe chok fan iten ekkena mwiichen aramas ika chon angang.

- Ika pwe ekkewe opposun eppet mei eukuk ngeni met mei mwumwuta me asan, ren ewe kinikinin mwiich ra tufichin repwe angei ewe opposun eppet, ewe neni epwe awora an sain epwe pacheta non ewe neni, me pwan non ekkoch anen touren pworous, epwe affata ion mei tongeni angei an opposun eppet me non ewe neni anongonong won meni kinikinin ra tufichin repwe angei me ikewe.
- Kapas eis ngeni ewe aramas chon etto epwe angei opposun eppet pwe epwe watiw nampan noun social security.
 - Ewe neni mei tongeni an epwe kapas eis ren nampan social security ren angangen niwin ngeni ewe insurance, nge epwe pwan afata pwe ar angei ewe nampan social fan iten chok ar repwe tiinano niwinin ewe angangen oppos ngeni ewe insurance nge esapw fan iten an emon epwe angei ewe opposun eppet.
- Esapw wor angangen piinei seni emon ion an epwe angei ewe opposun eppet COVID-19 emon a tufichin epwe angei anongonong won ika ewe aramas mei:
 - Ese insure;
 - Chon pwan ew fonu;
 - Chon nonomw won pwan ew state; ika
 - Chon nonomw won pwan ew sopw.
- Fori pwe ewe aramas e chuto ren an epwe angei ewe opposun eppet epwe kamo ika fori an epwe wor niwinin an angei ewe opposun eppet.
 - Ewe chon uwau oppos epwe tiinano niwinin ewe angangen opposun eppet ngeni ewe insurance nge esapw ngeni ewe aramas chon eto pwe epwe angei ewe opposun eppet.
- Fori pwe ewe aramas epwe awora:
 - Taropwen pwarata ren pworousen health insurance (ekkei pworous epwe tongeni wor ar repwe angei nge esapw ew mettoch mei menei pwe epwe wor me epwe fat pwe kaworen ekkei pworous mei tongeni pwe epwe pusin nonomw ren emon me emon).
 - Ekkewe ID mei katou meren mwuun.

Ewe aramas chon wisen omwokutu ewe nenien opposun eppet mei menei pwe repwe fori ekkei:

- Non fansoun ar fori ewe inet fansoun emon epwe angei ewe oppos, epwe angei pworousen ewe aramas ika pwe mei menei ekkoch sokkun aninis ren met tufichingawen inisin ika mei menei an epwe wor noun chon chiaku ngeni ika awewei foos mei makketiw non taropwe.
- Awora anen an aramas ion mei weires ar repwe tour ngeni ew computer me aea internet ar repwe sainei iter ren inet fansoun repwe chuto ngeni ewe neni.
- Awora anen an aramas ion mei weires ngenir ar repwe nounou computer ika aea internet ar repwe sainei iter ren inet fansoun repwe chuto ngeni ewe neni.

- Esinei ngeni aramas me mwan ika menni sokkun opposun eppet epwe katou me non ewe nenien oppos.
- Awora pworous epwe afata pwe an emon epwe angei ewe opposun eppetin COVID-19 esapw fan iten angangen nenengeni ekkewe Aninisin Aramas Ese nifinifin.
- Awora ewe taropwe v-safe ngeni chon angei ewe opposun eppet/chon tumwun me pessei ngeni chon angei ar repwe pachenong non ewe v-safe.
 - Ewe V-safe ew mettoch won ekkewe smartphone mei aea ewe minen text me survey won internet an epwe cheki aramas ion ra fen angei ar opposun eppet ren ar repwe affatatiw sokkun met ir mei mefi me murin ar angei ewe opposun eppetin COVID-19. Ewe V-safe mei awora kapas eis epwe tongeni anisi ngeni CDC ar repwe nenengeni tumwun ekkewe opposun eppetin COVID-19. V-safe mei pwan awora follow up won fon seni CDC ika pwe ewe chon pachenong non mei repotei met met sokkun ekkesiwin mei fis ngeni me murin an angei ewe opposun eppetin COVID-19. en sopwosopwun pworous, no ngeni ewe: www.cdc.gov/vsafe.
 - Epwe ngeni ekkewe inn me saam ika jon tumun ren ekkewe ra year 15 ngeni 17 repwe need ar mumuta seni ami ren ar repwe tongeni fori pungupungun ar filata fan asengesin ar treatment under ewe ORS 109.640 (lo ngeni kangof, doctorin pekin sefei mi nateral, neur jon alilis, kangof ren pekin ngii, me ekewe doctorin pekin maas).

Met Chon Uwau Oposoun Eppetin COVID-19 Repwe Fori: Pworousen opposun eppet epwe Katou ngeni Chon Repwe Angei ika Chon Tumwun

- Ewe FDA me ewe CDC ra fen enukunuku pwe mwumwutan ekkewe oppsun eppetin COVID-19 mei tumwun me wor manamanan. Iwe nge, mei wosesen auchea pwe emon me emon repwe weweiti efeiengawen me eochun ekkewe opposun eppetin COVID-19 repwe angei me epwe wor ar repwe kapas eis ren fan iter. Chon uwau ekkewe opposun eppet repwe awora pworous epwe weweoch ngeni ewe Taropwen Ennetin Pworous fan iten opposun COVID-19 ngeni Chon Repwe Angei me Chon Tumwun non foosun pusin fonuen ewe aramas ika non nikinikin an ewe aramas epwe tongeni weweiti, epwe anomwu non ekiem met mei menei ren ewe English language proficiency me pwan Americans with Disability Act.

Opposun Eppet Johnson & Johnson

- Ew neni mei wisen uwau ewe Johnson & Johnson opposun eppetin COVID-19 (pwan ew itan opposun eppet Janssen) epwe fori pwe ekkewe aramas ika chon tumwun repwe ennetin weweiti ewe minafon esinesin aramas repwe monota ngeni ren ewe opposun eppet Johnson & Johnson. Ei pworous epwe kawor non kapasen fonuen ewe aramas ika non nikinikin pwe ewe aramas epwe tongeni weweiti, epwe anomwu non ekiem ewe English language proficiency me met mei menei ren ekkewe aramas ion mei wor tufichingawen inisir ekkewe mei meni ekkoch sokkun aninis fan nurun ewe Americans with Disability Act. Ewe minafon esinesinin pworousen monota ngeni mei ekkesiwin me kopwunguno meren ewe FDA [Taropwen Pwungun Pworous fan iten Chon Repwe Angei me Chon Tumwun](#).

- Usun emon chon uwau opposun eppet ***kopwe tongeni pworous ngeni chon repwe angei ewe oppos ika nour kewe chon tumwun***, won pworous mei wewe ngeni met masowen ewe "Taropwen Ennetin Pworous fan iten Chon Repwe Angei me Chon Tumwun" (me awora echo nour copy ika aiti ngenir ewe website www.janssencovid19vaccine.com ar repwe tongeni angei me ian ewe Taropwen Ennetin Pworous) me mwen ewe aramas epwe angei an iwe opposun eppetin COVID-19 Johnson & Johnson, pachenong:
 - An FDA a mwutata atapwanapwanen aean ewe opposun eppetin COVID-19 Johnson & Johnson, ewe ese mwo kopwunguno meren FDA pwe ew opposun eppet.
 - Chon repwe angei ika chon tumwun ir mei tongeni pwe repwe tipew ngeni ika resapw tipeew ngeni ar repwe angei ewe opposun eppetin COVID-19 Johnson & Johnson.
 - Met akkaewin mei fat pwe ina met efeiengawen me eochun ewe opposun eppetin COVID-19 Johnson & Johnson, me pwan ina pekinon met efeiengawan me eochun rese mwo fateno.
 - Pworous fan iten pwan ekkoch opposun eppet me met efeiengawer me eochur.

Ren pworousen ekkewe angangen asosot me tesini aean ei opposun eppetin COVID-19 Johnson & Johnson an epwe eppetin COVID-19, kose mochen katon ewe www.clinicaltrials.gov.

- Chon awora aninsin pekin health repwe weweiti ekkewe pworousen esinesinen monota ngeni efeiengawen ewe opposun eppet Johnson & Johnson me pwan sineifichi met epwe tongeni anisi me echikara ewe thrombosis fiti thrombocytopenia. lei ei minafon pworous ren esineisinen monota ngeni efeiengawen ewe opposun eppet Johnson & Johnson mei pachenong non ewe [Taropwen Ennetin Pworous fan iten Chon Awora Aninsin Pekin Health](#):

Thrombosis fiti Thrombocytopenia

Met repot mei wor me murin aean ewe Opposun Eppetin COVID-19 Janssen fan nurun ewe mwumwutan atapwanapwanen aean mei pwarata an wateno efeiengawen ewe thrombosis mei pachenong an soonon cha non ewe tupwu me pwan ekkoch neni (mei pachenong nge ese pwan kouk ngeni ekkewe watten waa non inis non nuuk me ekkewe ekkewe waa non peche me pachapachach) mei chufengen thrombocytopenia me met mei fis pwe esisanan non ukukun ew ngeni ruw wiik me murin an emon angei ewe opposun eppet. Napengeni case ren thrombosis fiti thrombocytopenia mei repotei pwe mwurin ar angei ewe opposun eppetin COVID-19 Janssen mei fis pwe fefin ier 18 feita ngeni 49; ekkoch ra semwenino ika fen mano ren. Fetatin met mei fis ren ei mei pwano meren ewe autoimmune heparin-induced thrombocytopenia. Ren ekkewe aramas mei wor rer ewe thrombosis fiti thrombocytopenia me mwurin ar angei ewe Opposun Eppetin COVID-19 Janssen, aean ewe safei heparin mei efeiengaw iwe ekkoch anen echikara mei menei pwe epwe fis. Angangen consultation ngeni emon dokterin pekin chaa mei auchea pwe epwe fis. Ewe American Society of Hematology a fen awora ekkoch mettoch epwe nomw non kokotun aninsin me angangen echikara ewe thrombosis fiti thrombocytopenia me murin an emon angei ewe Opposun Eppetin COVID-19 Janssen (<https://www.hematology.org/covid-19/vaccine-induced->

[immunethrombotic-thrombocytopenia](#)). (katon Unusen pworous mei Prescribe meren ewe).

Emon aramas mei fori angangen katoun ewe opposun eppetin COVID-19 mei pesepes pwe epwe fori ekkei:

- Makketiw taropwen ika pworousen mwumwuta non noun ewe aramas medical chart ika non echo taropwe mei imwuno ren pworousen pekin pioing esapw pwan wor epwe kuna usun met met mei nomw non rekodun ewe chon angang, ika pwe mei ururun pwe epwe fis, ewe epwe afata ekkewe efeienagawen me eochun mei fen wor pworous won ngeni ewe aramas ika ngeni iowe mei mwumwuta fan onnuk pwe inai epwe wisen tumwunuw ewe aramas.
- Awora ngeni ewe aramas ika iowe chon wisen tumwunuw aninisin chon wisen chiaku ngenir pwe epwe tongeni mecheres ar repwe wewefichiti met pworous mei kawor non foosun pusin fonuen ewe aramas, pachenong ewe American Sign Language ika pwe mei menei, me pwan meinisin met mei makketiw mei chiakunong non ururun foosun fonuwen ewe aramas. Ew taropwen mwumwuta kopwe tongeni nounou ka tongeni angei me ikei me pwan ew taropwen rekodun katoun ewe opposun eppetin COVID-19 ka tongeni angei me ikei. Taropwen mwumwuta mei mak ese pwan menei pwe epwe kawor nge mei chok eoch kopwe angei.
- Awora ngeni ewe aramas ion epwe angei ewe opposun eppet, ika ion chon wisen angei mwumwutan pwe epwe tumwunuw ewe angangen pworous ngeni emon chon angangen pekin pioing ika pwan ekkoch chon wisen tupwuni ewe community repwe nukunuk ren ar repwe pworous ngenir. Ewe Oregon Health Authority mei wor an iteitein chon angangen pekin health ika pwe ewe chon uwau ewe oppos mei mochen epwe kuta meni chon angangen pekin health epwe tongeni aninis ne pwopworous ngeni chon angei ewe opposun eppet fansoun ar fori angangen oppos. Katon ekkei Nongonong me fan.

Chon uwau oppos repwe tongeni pworous won ewe taropwen ennetin pworous fan iten Johnson & Johnson, nge OHA mei menei pwe repwe anomwu non taropwe angangen pworous mei fis.

Ren sopwosopwun met ururun repwe fori me met ururun epwe fis fan iten ekkewe chon uwau opposun eppet me ekkewe nenien opposun eppet kose mochen nengeni sefani ekkewe masowen an OHA we ourour:

- [Ourour an Esapw Wor Eimwumwu non Nenien Opposun Eppetin COVID-19, ADA, me Toureochun Pworous.](#)

Repotei Pworousen Opposun Eppet ngeni ewe Oregon Health Authority

Ion aramas mei fori angangen katoun opposun eppetin COVID-19 non Oregon mei menei epwe fori ekkei:

- Angei meinisin pworous mei menei pwe epwe repot ngeni ewe ALERTIIS, pachenong nge ese pwan kouk ngeni meni mwichen aramas re feito seni ika ian re feito me ian meren ekkewe aramas re angei ewe opposun eppet.

- Repotei pworousen agnangen touren ewe oppos ngeni ALERTIIS fiti ngeni met masowen ewe Onukun Administrative non Oregon Sopwun 333, Kinikin 47 me 49. Ren sopwosopwun pworous fan iten angangen repot me training, no ngeni: <https://www.oregon.gov/oha/PH/PREVENTIONWELLNESS/VACCINES/IMMUNIZATION/IMMUNIZATIONPROVIDERRESOURCES/Pages/COVIDvaccine.aspx>.

Angangen Repot Mei Auchea Epwe Kawor ren Met Mei Fis Mwurin An Emon Angei Ew Sokkun Safei

Ion aramas mei fori angangen katoun opposun eppetin COVID-19 non Oregon mei menei epwe fori ekkei:

- Fiti ngeni met onnukun federal, epwe wor angangen repot ren met mei fis murin an emon angei ew sokkun safei (ika ren an angei ew opposun eppet) ren Angangen Repot Ren Met Mei Fis Murin An Emon Angei Opposun Eppet (VAERS). Oonusano me atouranong ewe repot ngeni VAERS online won <https://vaers.hhs.gov/reportevent.html>.

Ren sopwosopwun pworous fan iten ewe angangen repot mei auchea epwe fis, nengeni ewe Taropwen Ennetin Pworous fan iten Chon Angangen Pekin Pioing ir Chon Atourau Opposun Eppet ngeni ew me ew opposun eppet ewe kopwe tongeni kuna me won an FDA iwe website ikei: <https://www.fda.gov/emergency-preparedness-and-response/coronavirus-disease-2019-covid-19/covid-19-vaccines>.

Inventory ren Einet-sefanin

Ewe chon uwau oppos mei tour ngeni inetin ren oruwen oppos meren ewe Oregon Health Authority mei tongeni an epwe eimwureno non ukukun 6 wiik pwe epwe fori pwe ekkewe aramas repwe tongeni niwin sefan ren ar repwe angei ar oruen oppos. Ewe chon uwau oppos mei tongeni aea ewe oruwen oppos ngeni aewin oppos me murin ewe ukukun 6 wiik me murin an utiwit ngeni ekkewe aramas ita repwe niwin sefan ar repwe angei ar oruwen oppos. dose.

- **Kose mochen chechemeni** pwe noun OHA data mei afata ukukun 4% aramas ion mei angei ar oruwen oppos non ewe ukukun 7 ngeni 9 wiik, fiti an unusen state we rate ren unesenon oruwen oppos nap seni 96%.
- Chon uwau oppos repwe cheki ALERT ren ar repwe katon ika pwe ewe arams a fen angei an oruwen oppos me non pwan ew neni, pun me ikena iwe ekkewe oppos repwene tongeni ar repwe einet sefan me mwen ewe 6 wiik.
- Ika pwe a fateno pwe ra ururun repwene einet sefan ekkewe oruwen oppos rese mwo piin aea me murin 6 wiik, OHA mei menei pwe esopw ekkewe oppos repwe einet sefan pwe repwe aea ren ewin oppos iwe ewe esopw epwe isoiseno pwe aean oruwen oppos (akkaewin, ren ekkewe ir re angei ar ewin oppos seni ekkewe oppos mei einet sefan). Chon uwau oppos repwe pwan anomwu non ar ekiek pwe repwe eimwueno ekkoch ekkewe oruwen oppos fan iten ekkewe aramas ir re angei ar ewin oppos me non ew neni rese chiwen tufichin repwe niwin sefan ngeni (e.g., non ew neni ian ir rese chiwen nonomw ian ika me non pwan ew state).
- Chon uwau oppos mei pesepes ngenir pwe repwe nenengeni me tumwunuw met ukukun oppos mei wor rer pwe epwe fat fite ukukun mei wor ren owuwen oppos.

Tumwunun Liability

Ewe federal Public Readiness me Emergency Preparedness Act (PREP Act), mei awora tumwunun liability fan iten "ekewe aramas mei cover" pachenong non sakopaten kinikinin ren angangen anisin COVID-19, me pwan pachenong aramas ion mei fori angangen opposun eppet non ekewe nenien oppos, me pwan chon uwau me chon angang ir mei angang non ekewe nenien opposun eppet. Ren sopwosopwun pworous no ngeni: [Aneani sopwosopwun ewe PREP Act](#).

Kapas eis ika Memef?

Ika mi or om kapas eis fan iten opposun eppetin COVID-19, kose mochen tinano om kapas eis ngeni ekkei mi affat, pwe OHA epwe tongeni aninis won.

- Unusen kapas eis fan iten opposun eppet: ORCOVID@211info.org
- Ren anisinin ian kopwe angei me ian ewe opposun eppet ika ren unusen pworous, kokori: 211
- Iten chon uwau opposun eppetin COVID-19: Vaccine.ProviderEnroll@dhsosha.state.or.us
- Ren met omw kapasen otutur mei wewe ngeni met masowen ei ourour kokori kich won covidvaccine.complaints@dhsosha.state.or.us, ika 877-642-0450 / 503-947-2346

Nongonong

- **An OHA Website ren Opposun Eppetin COVID-19:** <http://healthoregon.org/covidvaccine>
- **OHA COVID-19 non foosun Español:** <http://healthoregon.org/vacunacovid>.
- **Iteiten Chon Angangen Tumunun Aramas Non Èoreni:** <https://traditionalhealthworkerregistry.oregon.gov/>
- **Iteiten chon Chiaku ren Pekin Health Care:** <https://hciregistry.dhsosha.state.or.us/>
- **Anen Tourouren Pworous Kopwe Tongeni Kuna:** <https://sharedsystems.dhsosha.state.or.us/DHSForms/Served/le2314.pdf>.
- [Pekin Healthcare me Pwonupwonun won Maas: Ekisano Met Epwe Aweiresi Met Ekkewe Mei Pung Seninger me Ekkewe Mei Weires ar Repwe Rongorong](#)
- [FEMA Civil Rights Considerations non Fansoun Angangen Atoura Opposun Eppetin COVID-19](#)
- [HHS Toureochun Pworous me Fetaneochuna Anen Pworous Fansoun Angangen Tumwunuw me Anisi: Ew Checklist noun Chon Fori Angangen Aninis non Fansoun Atapwanapwan](#)
- [ADA Ourour fan iten Chon Tumwunuw Angang Atapwanapwan me ekewe Local Public Health Authority](#)
- [Card minen Pworous noun Aramas Rese Tongeni Foos](#)

Tourechun taropwe: Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika non nikinikin noun mei chuun. Kokori ewe Center ren Porousen Health won 1-971-673-2411, 711 TTY ika COVID19.LanguageAccess@dhsosha.state.or.us